



Služba za ekonomski razvoj, poduzetništvo i poljoprivredu

Broj: 04-14-11117 /2019

Tuzla, 17.12.2019. godine

Na osnovu Sporazuma zaključenog između Grada Tuzle i UNDP BiH, broj: 02-14-8152-2018, od 22.11.2018.godine, Amandmana I na Sporazum broj: 02-14-8152-2018 od 09.05.2019.godine i Amandmana II na Sporazum broj: 02-14-8152-2018 od 21.11.2019.godine, kojim su osigurana donatorska sredstva od strane Projekta „Dijaspore za razvoj“, a koji je projekat Ministarstva za ljudska prava i izbjeglice BiH i Vlade Švicarske, u partnerstvu sa UNDP BiH, IOM BiH i Grada Tuzle u cilju razvoja plasteničke proizvodnje zasnovane na organskim principima, na području grada Tuzle, u okviru lokalnog projekta „Poboljšanje konkurentnosti poljoprivredne proizvodnje uz podršku dijaspor“, Služba za ekonomski razvoj, poduzetništvo i poljoprivredu raspisuje:

JAVNI POZIV

za predaju zahtjeva za dodjelu plastenika od 100 m² sa dodatnom opremom i rasada povrća (ljuta paprika) za proizvodnju u 2020 godini, uz vlastito učešće korisnika, u okviru Projekta „Poboljšanje konkurentnosti poljoprivredne proizvodnje uz podršku dijaspor“

I PREDMET JAVNOG POZIVA

Predmet ovog Javnog poziva je prijava i odabir korisnika kojima će se dodijeliti platenik površine 100 m² sa dodatnom opremom i rasad povrća (ljute paprike), za proljetnu sadnju 2020.godine, uz princip vlastitog učešća korisnika. Planirano je da se putem ovog Javnog poziva obuhvati 8 korisnika iz Tuzle. Prema procijenjenoj vrijednosti, u trenutku raspisivanja javnog poziva, platenika sa dodatnom opremom (bez PDV-a) i vrijednosti rasadnog materijala za proizvodnju na površini od 100 m² platenika (bez PDV-a), procijenjeno učešće korisnika u nabavci iznosi 1.051,30 KM, odnosno 45,5%. Tačan iznos učešća korisnika utvrdit će se po okončanju postupka javne nabavke, te će se u slučaju postizanja niže nabavne cijene platenika i rasada smanjiti udio učešća korisnika, a u slučaju postizanja više nabavne cijene platenika i rasada, razliku će snositi korisnik.

II PRAVO UČEŠĆA

Pravo učešća u ovom Javnom pozivu imaju sve fizičke osobe – sa područja Grada Tuzle, a prvenstveno mlade nezaposlene osobe i osobe sa minimalnim primanjima, koje posjeduju vlastito poljoprivredno zemljište ili zemljište u vlasništvu užih članova porodice, kao i zemljište ustupljeno na korištenje ili uzeto u zakup na period od minimalno 5 godina u neposrednoj blizini stambenog objekta u kojem stanuju.

III USLOVI ZA DODJELU PLASTENIKA I RASADA POVRĆA

Podnosilac zahtjeva treba da ispunjava sljedeće uslove:

1. Da je nezaposlena osoba ili osoba sa minimalnim primanjima,
2. Da je upisan u Registar poljoprivrednih gazdinstava i klijenata u Gradu Tuzla i izvršio ažuriranje podataka za 2019.godinu, ili da će se upisati u Registar poljoprivrednih gazdinstava i Registar klijenata nakon dodjele platenika, što potvrđuje ovjerenom izjavom,
3. Da je podnosilac zahtjeva ili član njegove uže porodice vlasnik ili posjednik zemljišta, kao i zemljišta ustupljenog na korištenje ili uzeto u zakup na period od minimalno 5 godina, a koje se nalazi u neposrednoj blizini stambenog objekta u kojem stanuje,
4. Da postoji mogućnost navodnjavanja platenika,

5. Da će sufinansirati dio nabavne cijene plastenika sa pratećom opremom iz tačke I ovog Javnog poziva,
6. Da će obavezno prisustvovati edukacijama iz oblasti plasteničke proizvodnje

Služba za ekonomski razvoj, poduzetništvo i poljoprivredu Grada Tuzla je nosilac aktivnosti vezanih za realizaciju Projekta.

IV KRITERIJI ZA DODJELU PLASTENIKA I RASADA POVRĆA

Kriteriji za bodovanje podnosioca zahtjeva:

- a) pogodnost zemljišta za plasteničku proizvodnju i mogućnost navodnjavanja (utvrđuje Komisija za dodjelu plastenika na licu mjesta),
- slabi uslovi (veliki nagib, udaljenost od kuće više od 200 m)1 bod,
 - dobri uslovi (teren u nagibu, udaljenost od kuće od 100 m do 200 m)2 boda,
 - jako dobri uslovi (blagi nagib, blizu kuće-do 100 m, dobar pristup)3 boda.

Kandidati kod kojih se na terenu utvrdi da ne posjeduju poljoprivredno zemljište pogodno za plasteničku proizvodnju (npr.veliki nagib, veličina parcele i sl.) ili nemaju mogućnost navodnjavanja, neće se bodovati, te se njihove prijave neće uzeti u razmatranje.

- b) dodatni bodovi po osnovu pripadnosti jednoj od dole navedenih kategorija:
- podnosilac zahtjeva nezaposlen (vrijeme provedeno na evidenciji nezaposlenih osoba Službe za zapošljavanje TK– Biroa za zapošljavanje Tuzla),
 - od 0-3 god. 1 bod,
 - od 3-6 god. 2 boda,
 - od 6-10 god. 3 boda,
 - više od 10 god. 4 boda,
 - za svakog punoljetnog nezaposlenog člana porodice, koji se nalazi na evidenciji nezaposlenih osoba Službe za zapošljavanje TK – Biroa za zapošljavanje Tuzla 1 bod,
 - za svakog izdržavanog člana porodice (nezaposlene osobe koje se nalaze na evidenciji nezaposlenih osoba Službe za zapošljavanje, djeca, učenici i sl.) 1 bod,
 - mlade osobe životne dobi do 35 godina 5 bodova,
 - ako je podnosilac zahtjeva samohrani roditelj – 2 boda,
 - socijalni aspekt – bez primanja – 7 bodova,
 - socijalni aspekt – minimalna primanja po članu domaćinstva do 200,00 KM5 bodova,
 - socijalni aspekt – minimalna primanja po članu domaćinstva do 250,00 KM4 boda,
 - socijalni aspekt – minimalna primanja po članu domaćinstva do 300,00 KM3 boda,

Kada kandidati pri bodovanju imaju isti broj bodova, prednost će imati kandidati koji imaju status mlade osobe i/ili višečlane porodice.

V POTREBNA DOKUMENTACIJA

Prijave na Javni poziv predaju se na propisanom obrascu uz koji se prilaže sljedeća dokumentacija:

1. PBA-3 obrazac (cips),
2. Kopija lične karte,
3. Ovjerena kućna lista,
4. Dokaz o nezaposlenosti kandidata izdat Službe za zapošljavanje TK,
5. Dokaz o nezaposlenosti svih punoljetnih članova porodice izdat od Službe za zapošljavanje TK,
6. Potvrde iz škole/fakulteta za djecu/izdržavane članove domaćinstva,
7. Potvrda o visini primanja zaposlenih članova domaćinstva, a za penzionere posljednji ček od penzije,
8. Vlasništvo ili posjed nad parcelom (kopija ZK izvadka ili Posjedovnog lista, kao i Ugovor o zakupu),
9. Ovjerena izjava korisnika da će dodijeljeni platenik zadržati u vlasništvu najmanje 2 godine od dana potpisivanja Ugovora,
10. Ovjerena izjava korisnika da će sufinansirati dio nabavne cijene plastenika sa pratećom opremom i rasadom, a najmanje u iznosu od (45,5%), te da će obavezno prisustvovati edukacijama iz oblasti plasteničke proizvodnje,
11. Dokaz da je samohrani roditelj (ovjerena kućna lista),

12. Potvrda o upisu u Registar poljoprivrednih gazdinstava koju izdaje nadležna služba za vođenje RPG i RK,
13. Ovjerena izjava da će se upisati u Registar poljoprivrednih gazdinstava i Registar klijenata nakon dodjele plastenika.

Napomena: Dokazi koji se pribavljaju od nadležnih Gradskih i Kantonalnih službi ne smiju biti stariji od mjesec dana.

VI PROCEDURA ODABIRA KORISNIKA

Komisiju za odabir korisnika za dodjelu plastenika sa pratećom opremom i rasada povrća po ovom Javnom pozivu imenuje Pomoćnik - Gradonačelnika za Službu za ekonomski razvoj, poduzetništvo i poljoprivredu, koju će činiti: dva predstavnika Grada Tuzle i predstavnik PZ „Agropromet“ Tuzla.

Zadatak Komisije za odabir korisnika za dodjelu plastenika je:

- pregled prispjelih prijava, evidentiranje kandidata koji ispunjavaju uslove iz Javnog poziva, obavljanje uviđaja na licu mjesta, sačinjavanje rang liste krajnjih korisnika na osnovu utvrđenih kriterija za bodovanje.

Rang lista odabranih kandidata će biti objavljena na oglasnoj ploči Grada i web stranici Grada Tuzla.

Nakon odabrane rang liste, sa krajnjim korisnicima će biti sklopljen ugovor.

VII MONITORING

Komisija imenovana od strane Pomoćnika - Gradonačelnika za Službu za ekonomski razvoj, poduzetništvo i poljoprivredu Grada Tuzle, provodit će kontrolu namjenskog korištenja dodjeljene opreme u okviru ovog Javnog poziva,

Korisnici sredstava kod kojih se prilikom kontrole utvrdi nenamjensko korištenje dodjeljene opreme ili se utvrdi da je ista otuđena, biće dužni vratiti istu ili u slučaju otuđenja vratiti cjelokupan iznos u vrijednosti dodjeljene opreme, u roku od 8 dana, od dana utvrđivanja činjeničnog stanja na terenu i sačinjenog zapisnika od strane nadležne komisije Grada Tuzle.

Ukoliko se korisnik sredstava ne upiše u Registar poljoprivrednih gazdinstava i klijenata Grada Tuzle, u roku od 7 dana od dana potpisivanja Ugovora, isti je dužan vratiti cjelokupan iznos vrijednosti dodjeljene opreme i rasada povrća.

Ukoliko se u toku realizacije Projekta utvrdi da su navodi u izjavi korisnika netačni, oprema se neće dodijeliti ili će korisnik vratiti cjelokupan iznos koji je definisan Ugovorom između Grada Tuzle i korisnika.

VIII ROK I NAČIN PODNOŠENJA PRIJAVA:

Obrazac zahtjeva za prijavu na ovaj Javni poziv može se preuzeti na info pultu u Pisarnici Grada Tuzle. Popunjen prijavni obrazac zajedno sa naznačenom dokumentacijom predaje se u zatvorenoj koverti u Pisarnicu Grada ili putem pošte sa naznakom: „**GRAD TUZLA – Služba za ekonomski razvoj, poduzetništvo i poljoprivredu, Ul. ZAVNOBiH-a br. 11, 75000 Tuzla, Komisiji za provođenje procedure po javnom pozivu za dodjelu plastenika i rasada povrća (ljute paprike) – NE OTVARATI**“.

Rok za podnošenje prijave je 14 dana, od dana objavljivanja javnog poziva na web stranici Grada Tuzla www.tuzla.ba, te na oglasnoj ploči Grada Tuzla., **a zaključno sa 31.12.2019.godine.**

Sve dodatne informacije mogu se dobiti u Službi za ekonomski razvoj, poduzetništvo i poljoprivredu, kancelarija br. 223 ili na broj telefona 035/307 386 svakim radnim danom od 08:00-16:00 sati.

Nepotpune i neblagovremene prijave se neće uzeti u razmatranje.

Dostavljeno:

1x UNDP
1x Web stranica Grada Tuzla,
1x Gradonačelnik
1x Evidencija
1x a/a

**Pomoćnik gradonačelnika
za Službu za ekonomski razvoj, poduzetništvo i poljoprivredu**

Zijad Lugavić, magistar ekonomije